

গণপ্রজাতন্ত্রী বাংলাদেশ সরকার
শিক্ষা মন্ত্রণালয়
মাধ্যমিক ও উচ্চ শিক্ষা বিভাগ
বাজেট শাখা

“বেসরকারি শিক্ষা প্রতিষ্ঠানে ল্যাবরেটরি যন্ত্রপাতি/সামগ্রী বিতরণের জন্য প্রতিষ্ঠান নির্বাচন নীতিমালা (সংশোধিত-২০১৮)”

বেসরকারি শিক্ষা প্রতিষ্ঠানসমূহে ল্যাবরেটরি যন্ত্রপাতি/সামগ্রী বিতরণের জন্য সরকার আর্থিক মঞ্জুরি প্রদান করে। বরাদ্দকৃত অর্থের যথাযথ ব্যবহার নিশ্চিতকরণের লক্ষ্যে উপযুক্ত শিক্ষা প্রতিষ্ঠান নির্বাচনের উদ্দেশ্যে নিম্নেবর্ণিত নীতিমালা প্রণয়ন করা হলো।

২। **শিরোনাম:** এ নীতিমালা মাধ্যমিক ও উচ্চ শিক্ষা বিভাগ, শিক্ষা মন্ত্রণালয়ের পরিচালন বাজেটের আওতায় “বেসরকারি শিক্ষা প্রতিষ্ঠানে ল্যাবরেটরি যন্ত্রপাতি/সামগ্রী বিতরণের জন্য প্রতিষ্ঠান নির্বাচন নীতিমালা (সংশোধিত-২০১৮)” নামে অভিহিত হবে।

৩। **শিক্ষা প্রতিষ্ঠান নির্বাচন কমিটি:**

ক) প্রতিটি উপজেলায় সংশ্লিষ্ট অর্থবছরের জন্য বেসরকারি শিক্ষা প্রতিষ্ঠান নির্বাচন নিম্নোক্ত কমিটির মাধ্যমে সম্পাদিত হবে (ঢাকা, রাজশাহী, চট্টগ্রাম, খুলনা, বরিশাল, সিলেট, রংপুর ও ময়মনসিংহ মহানগর এলাকা ব্যতীত):

১.	উপজেলা নির্বাহী অফিসার	-	সভাপতি
২.	সহকারী কমিশনার (ভূমি)	-	সদস্য
৩.	উপজেলা সদরের একজন বেসরকারি কলেজের অধ্যক্ষ (উপজেলা নির্বাহী অফিসার কর্তৃক মনোনীত)	-	সদস্য
৪.	উপজেলা সদরের একজন বেসরকারি স্কুলের প্রধান শিক্ষক (উপজেলা নির্বাহী অফিসার কর্তৃক মনোনীত)	-	সদস্য
৫.	উপজেলা সদরের একজন বেসরকারি স্কুলের প্রধান শিক্ষিকা (উপজেলা নির্বাহী অফিসার কর্তৃক মনোনীত)	-	সদস্য
৬.	সদর ইউনিয়ন পরিষদের চেয়ারম্যান/পৌরসভার চেয়ারম্যান/সিটি কর্পোরেশনের মাননীয় মেয়রের প্রতিনিধি	-	সদস্য
৭.	উপজেলা সহকারী প্রোগ্রামার (UIRCE)	-	সদস্য
৮.	উপজেলা মাধ্যমিক শিক্ষা অফিসার	-	সদস্য সচিব

কমিটির কর্মপরিধি: ৫ নং অনুচ্ছেদের নির্দেশনা অনুসরণপূর্বক উপযুক্ত শিক্ষা প্রতিষ্ঠান নির্বাচন করে সংশ্লিষ্ট জেলা প্রশাসক বরাবরে তালিকা প্রেরণ করবেন।

খ) ঢাকা, রাজশাহী, চট্টগ্রাম, খুলনা, বরিশাল, সিলেট, রংপুর ও ময়মনসিংহ মহানগর এলাকার শিক্ষা প্রতিষ্ঠান নির্বাচন নিম্নোক্ত কমিটির মাধ্যমে সম্পাদিত হবে:

১.	অতিরিক্ত বিভাগীয় কমিশনার (সার্বিক)	-	সভাপতি
২.	অতিরিক্ত জেলা প্রশাসক (শিক্ষা ও আইসিটি)	-	সদস্য
৩.	জেলা শিক্ষা অফিসার	-	সদস্য
৪.	একজন বেসরকারি কলেজের অধ্যক্ষ (জেলা প্রশাসক কর্তৃক মনোনীত)	-	সদস্য
৫.	একজন বেসরকারি স্কুলের প্রধান শিক্ষক (জেলা প্রশাসক কর্তৃক মনোনীত)	-	সদস্য
৬.	একজন বেসরকারি স্কুলের প্রধান শিক্ষিকা (জেলা প্রশাসক কর্তৃক মনোনীত)	-	সদস্য
৭.	সিটি কর্পোরেশনের মাননীয় মেয়রের প্রতিনিধি	-	সদস্য
৮.	আঞ্চলিক পরিচালক, মাধ্যমিক ও উচ্চ শিক্ষা অধিদপ্তর	-	সদস্য সচিব

কমিটির কর্মপরিধি: ৫ নং অনুচ্ছেদের নির্দেশনা অনুসরণপূর্বক উপযুক্ত শিক্ষা প্রতিষ্ঠান নির্বাচন করে সংশ্লিষ্ট জেলা প্রশাসক বরাবরে তালিকা প্রেরণ করবেন।

গ) জেলা প্রশাসক কর্তৃক প্রতিষ্ঠান নির্ধারণের জন্য নিম্নরূপ কমিটি গঠন করা হলো:

১.	জেলা প্রশাসক	-	সভাপতি
২.	প্রধান নির্বাহী কর্মকর্তা অথবা সচিব, জেলা পরিষদ	-	সদস্য
৩.	অতিরিক্ত জেলা প্রশাসক (শিক্ষা ও আইসিটি)	-	সদস্য
৪.	স্থানীয় সরকারি কলেজের অধ্যক্ষ (জেলা প্রশাসক কর্তৃক মনোনীত)	-	সদস্য
৫.	জেলা শিক্ষা অফিসার	-	সদস্য সচিব

কমিটির কর্মপরিধি: উপজেলা এবং মহানগর কমিটি হতে প্রাপ্ত তালিকা যাচাই-বাছাই করে জেলার গ্রেড অনুযায়ী শিক্ষা প্রতিষ্ঠান নির্বাচন করে তালিকা সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয় বরাবরে প্রেরণ করবেন।

ঘ) স্থানীয় মাননীয় সংসদ সদস্য/সংসদ সদস্যগণ কমিটির উপদেষ্টা থাকবেন। মাননীয় সংসদ সদস্যগণের পরামর্শক্রমে কমিটি প্রতিষ্ঠান নির্বাচন করবে:

৪। শিক্ষা প্রতিষ্ঠান নির্বাচন:

- ১) মন্ত্রিপরিষদ বিভাগ কর্তৃক এ.বি.সি. গ্রেডের জেলার তথ্য বিবেচনান্তে “এ” গ্রেডের জন্য ৬টি, “বি” গ্রেডের জন্য ৫টি ও “সি” গ্রেডের জন্য ৪টি হিসেবে জেলাওয়ারী প্রতিষ্ঠানের সংখ্যা নির্ধারণ অন্তে প্রয়োজনে অর্থ মন্ত্রণালয়ের সম্মতিগ্রহণপূর্বক জেলা প্রশাসকগণের নিকট প্রতিষ্ঠানের নামের তালিকা চাওয়া হবে;
- ২) ৬৪টি জেলায় গ্রেডওয়ারী উপরোক্তভাবে নির্ধারিত বিভাজন অন্তে সকল জেলা প্রশাসকের অনুকূলে বরাদ্দ প্রদান করা হবে।

৫। শিক্ষা প্রতিষ্ঠান নির্বাচনের ক্ষেত্রে নিম্নবর্ণিত নির্দেশনা অসুসরণ করতে হবে:

- ১) যে সকল প্রতিষ্ঠান গত ৩ (তিন) বছরে কোন সরকারি সাহায্য পায়নি তাঁদেরকে অগ্রাধিকার দিতে হবে;
- ২) বিগত তিন বছর যে সমস্ত প্রতিষ্ঠান ল্যাভরেটরি যন্ত্রপাতি/সামগ্রী বাবদ সাহায্য পেয়েছে সে সমস্ত প্রতিষ্ঠানে উক্ত সাহায্য দেয়া যাবে না;
- ৩) প্রত্যন্ত গ্রামীণ অস্বচ্ছল শিক্ষা প্রতিষ্ঠানকে ল্যাভরেটরি যন্ত্রপাতি/সামগ্রী প্রদানের ক্ষেত্রে প্রাধান্য দিতে হবে;
- ৪) প্রতিটি অঞ্চলে সুষম বন্টন নীতিতে শিক্ষা প্রতিষ্ঠান নির্বাচন করতে হবে;
- ৫) ছাত্র-ছাত্রীর সংখ্যা, প্রতিষ্ঠানের প্রকৃত চাহিদা ও বিগত ৩ বছরের পাবলিক পরীক্ষার ফলাফলের ভিত্তিতে শিক্ষা প্রতিষ্ঠান নির্বাচন করতে হবে;
- ৬) জরুরী প্রয়োজনে বা যুক্তিসঙ্গত কারণ ছাড়া নগর বা মেট্রোপলিটন এলাকার শিক্ষা প্রতিষ্ঠান নির্বাচন নিরুৎসাহিত করতে হবে।

৬। ল্যাভরেটরি যন্ত্রপাতি/সামগ্রী সংগ্রহ:

- ১) বরাদ্দ প্রাপ্তির পর যাবতীয় আর্থিক বিধিবিধান ও নিয়মাচার যথাযথভাবে প্রতিপালনপূর্বক নিম্নোক্ত কমিটির মাধ্যমে ল্যাভরেটরি যন্ত্রপাতি/সামগ্রী ক্রয় করতে হবে:

(ক)	উপজেলা নির্বাহী অফিসার	-	সভাপতি
(খ)	সহকারী কমিশনার (ভূমি)	-	সদস্য

(গ)	উপজেলা সমাজসেবা কর্মকর্তা	-	সদস্য
(ঘ)	উপজেলা মাধ্যমিক শিক্ষা অফিসার	-	সদস্য
(ঙ)	উপজেলা সহকারী প্রোগ্রামার (UIRTCE)	-	সদস্য
(চ)	সংশ্লিষ্ট প্রতিষ্ঠান প্রধান	-	সদস্য সচিব

- ২) ল্যাবরেটরি যন্ত্রপাতি/সামগ্রী ক্রয়ের পর সংশ্লিষ্ট প্রতিষ্ঠান প্রধান প্রতিষ্ঠানের রেজিস্টারে তা লিপিবদ্ধ করবেন এবং উর্ধ্বতন কর্তৃপক্ষের পরিদর্শনের সময় তা প্রদর্শন করবেন;
- ৩) ল্যাবরেটরি যন্ত্রপাতি/সামগ্রী ক্রয়ের বিষয়টি যাচাই করার জন্য মাধ্যমিক ও উচ্চ শিক্ষা অধিদপ্তরের কর্মকর্তাগণসহ জেলা ও বিভাগীয় পর্যায়ে প্রশাসনিক/শিক্ষা কর্মকর্তাগণ সংশ্লিষ্ট শিক্ষা প্রতিষ্ঠানগুলো পরিদর্শন ও মনিটরিং করবেন এবং এ বিষয়ে কোন অভিযোগ পাওয়া গেলে বিভাগ/মন্ত্রণালয়কে অবহিত করবেন।

৭। শিক্ষা প্রতিষ্ঠান নির্বাচন ও অর্থ বরাদ্দ সংক্রান্ত অনুচ্ছেদ ৩, ৪ ও ৫ এর নির্দেশনা সত্ত্বেও প্রয়োজনবোধে এ কর্মসূচির আওতায় শিক্ষা প্রতিষ্ঠান নির্বাচন ও তাদের অনুকূলে প্রয়োজনীয় অর্থ বরাদ্দের ক্ষমতা এ বিভাগের থাকবে এবং প্রয়োজন অনুসারে এতদসংক্রান্ত বিষয়ে সময়ে সময়ে জারিকৃত বিভাগের নির্দেশনাবলী এ নীতিমালার উপর প্রাধান্য পাবে।


স্বাক্ষরিত
২৮/১১/২০১৮
(মো: সোহরাব হোসাইন)
সচিব

৩৭.০০.০০০০.০৬৪.২০.০০৫.১৭-২৮১/১(৭)

তারিখ: ২৫ পৌষ ১৪২৫ বঙ্গাব্দ
০৮ জানুয়ারী ২০১৯ খ্রিস্টাব্দ

সদয় অবগতি ও প্রয়োজনীয় কার্যার্থে প্রেরণ করা হলো :

- ১। অতিরিক্ত সচিব (অর্থ ও প্রশাসন/মাধ্যমিক-১/২, কলেজ/বিশ্ববিদ্যালয়/আইন/উন্নয়ন), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ২। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, ঢাকা।
- ৩। যুগ্ম-সচিব (নিরীক্ষা), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ৪। প্রধান প্রকৌশলী, শিক্ষা প্রকৌশল অধিদপ্তর, শিক্ষা ভবন, ঢাকা।
- ৫। যুগ্ম-প্রধান (পরিকল্পনা) মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ৬। জেলা প্রশাসক (সকল)।
- ৭। উপসচিব (প্রশাসন) মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
- ৮। সিনিয়র সিস্টেম এনালিস্ট, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
(ওয়েব সাইটে প্রকাশের অনুরোধসহ)
- ৯। সিনিয়র সহকারী সচিব (সেবা), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা


(মো: ফজলুর রহমান)
সিনিয়র সহকারী সচিব
ফোন: ৯৫১২২০৫

ইমেইল: moebudgetsection@gmail.com